

Projekat



coming out!

zagovaranje i zaštita prava lgbt osoba

Fondacija Heinrich Böll, Ured za Bosnu i Hercegovinu, zajedno sa partnerskim organizacijama Sarajevskim otvorenim centrom i Fondacijom CURE, implementira projekt pod nazivom

Coming out! Zagovaranje i zaštita prava LGBT osoba

Glavni cilj projekta je zagovaranje i zaštita prava jedne od najdiskriminiranih i nevidljivih grupa u bh. društvu - lezbejki, gej muškaraca, biseksualnih i transrodnih (LGBT) osoba. Jedan od ciljeva projekta je otkrivanje uzroka, te rad na smanjivanju nivoa homofobije.

Poseban fokus će biti usmjeren na senzibiliranje državnih službenika/ca u sektorima unutrašnjih poslova, pravosuđa, zdravstva i obrazovanja, ali i drugih ciljnih skupina kao što su novinari/ke i predstavnici/e organizacija civilnog društva.



Ovaj projekat finansira Evropska unija.



Fondacija Heinrich Böll je njemačka politička fondacija, koja je po svojoj orijentaciji bliska stranci Savez 90/Zeleni. Fondacija ima svoj ured u Sarajevu od 1999. godine i njen rad temelji se na podršci procesu demokratizacije, političkom obrazovanju, promoviranju jednakosti među spolovima, zaštiti okoliša i održivom razvoju.



Sarajevski otvoreni centar je nezavisna, nepolitička i neprofitna organizacija koja promovira puno poštivanje ljudskih prava i borbu protiv diskriminacije na osnovu spola, seksualne orijentacije i rodnog identiteta, osnažujući marginalizirane grupe kroz aktivnosti u zajednici, promovirajući ljudska prava u društvu i zagovarajući promjene politika vlasti.



Fondacija CURE je feminističko - aktivistička organizacija koja djeluje za jednakost spolova i rodova zalagajući se za pozitivne društvene promjene putem obrazovnih, umjetničko - kulturnih i istraživačkih programa.

PROJEKTNE AKTIVNOSTI

Izgradnja kapaciteta i zagovaranje

Aktivnosti izgradnje kapaciteta i zagovaranja uključuju:

- treninge za jačanje kapaciteta organizacija civilnog društva i njihovog učešća u pitanjima vezanim za prava LGBT osoba
- redovne sastanke sa donositeljima/cama odluka na državnom, entitetskom i kantonalnim nivoima
- okrugle stolove koji će se fokusirati na specifične aspekte nediskriminacije i LGBT ljudskih prava i uvođenje prava LGBT osoba u javnu sferu radi senzibiliziranja javnosti o potrebi poštivanja LGBT prava i njihove institucionalne zaštite
- edukativne treninge za novinare/ke i student/ice novinarstva.

Jačanje institucionalnih kapaciteta

U okviru ovih aktivnosti, radit će se:

- opšti treninzi sa javnim službenicima/cama, organizacijama civilnog društva i drugim akterima
 - ciljani treninzi za aktere iz oblasti pravde, unutrašnjih poslova, obrazovanja i zdravstva.
- Aktivnosti jačanja institucionalnih kapaciteta usmjerene su na povećanja znanja i učešća relevantnih institucija u LGBT pitanjima.

Istraživanje i njegovi rezultati

Aktivnosti istraživanja u okviru ovog projekta uključuju:

- monitoring medija, koji će se vršiti tokom dvije godine projekta s rezultatima koji će biti predstavljeni u formi izvještaja, a temeljan je u procjeni vidljivosti i javne percepcije LGBT pitanja u BiH
- istraživanje javnog mnijenja širom BiH na reprezentativnom uzorku, kako bi se ustanovio nivo javne svijesti o razumijevanju LGBT pitanja, nivo postojeće homofobije/transfobije i njeni uzroci
- sektoralna istraživanja obuhvatit će pet oblasti: političke stranke, pravosuđe, unutrašnji poslovi, obrazovanje i zdravstvo. Kvalitativno istraživanje će pružiti detaljniji uvid u stanje LGBT pitanja u navedenim oblastima, kao i stavovima aktera u pojedinim oblastima
- regionalna konferencija o pravima LGBT osoba, na kojoj će se predstaviti rezultati istraživanja javnog mnijenja i najbolje prakse iz regije, a njeni učesnici/ce će biti državni službenici/e i branitelji/ce ljudskih prava LGBT osoba.

Kampanja podizanja svijesti

Aktivnosti usmjerene na povećanje nivoa svijesti javnosti o problemima i potrebama LGBT osoba u BiH:

- kampanja u elektronskim medijima, koja će javno predstaviti rezultate naših istraživanja putem članaka na online medijima i kroz TV i radio emisije radi podizanja nivoa svijesti o standardima ljudskih prava u kontekstu EU integracije i kršenja prava LGBT osoba u BiH
- kampanja u štampanim medijima koja će javno predstaviti rezultate istraživanja kroz brošure i/ili letke, vizuelni sadržaj i tekst.

Ova brošura je urađena uz pomoć Evropske unije.
Sadržaj publikacije je isključiva odgovornost Fondacije Heinrich Böll, Sarajevskog otvorenog centra i Fondacije CURE i ni u kom slučaju ne predstavlja stav Evropske unije.

Za više informacija, molimo kontaktirajte:

Fondacija Heinrich Böll u Sarajevu:

Maja Lukić-Schade, menadžerica projekta, tel. 033 260 450, email: maja.lukic-schade@ba.boell.org

Sarajevski otvoreni centar:

Emina Bošnjak, koordinatorica projekta, tel/fax. 033 200 073, email: emina@soc.ba

Fondacija CURE:

Vildana Džekman, koordinatorica projekta, tel. 033 20 75 61, email: vildana@fondacijacure.org